



Inatsisartuni ilaasortaq Hans Aronsen, Inuit Ataqatigiit
Inatsisartut
/MAANI

§37 - 282 akissut

Inatsisartut suleriaasianni § 37, imm. 1 naapertorlugu aalisarnermik inuussutissarsiu-teqartunut tunngatillugu apeqputinik arlaqartunik nassiussaqaarsimavutit. Apeqputit uannut akineqartussanngortinneqaarsimapput.

Apeqputit:

1. Ukioq manna sinerissap qanittuani aqutsiveqarfik Upernavik, Uummannaq aamma Qeqertarsuup tunuani qaleralittassiissutigineqartu-niit, angallatinut 6 meterimit anginerusunut pisarineqanngitsut qanoq amerlatigippat
2. aammalu umiatsiaaqqanut 6 meterimit mikinerusunut pisarineqanngi-tsut qanoq amerlatigippat.
3. Pisarineqanngitsut ukiup tulliani nuunneqarsinnaatinngisasi ataatsi-mut 8.000 tonsiuppata nunatta karsianut, Qaasuitsup kommunianut. aalisartullu kaasarfiinut ullumikkut qanoq sunniuteqassappat?
4. Naalakkersuisut pisarineqanngitsoortussanik ilimagineqareersunik pinngitsoortitsiniarlutik iliuseqarnissamik suliaqarpat.

27-11-2015
Suliap normua
Akt nr. 1673137

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

1-imut)

Angallatit anginerusut (6 meterimit annerusut) pisassaat sinneruttut 01-12-2015-imi ima isikkoqarput:

- Upernavik 2.341 tonsit
- Uummannaq 1.160 tonsit
- Qeqertarsuup Tunua 1.833 tonsit

2-mut)

Angallatit mikinerusut (6 meterimit mikinerit) pisassaat sinneruttut 01-12-2015-imi ima isikkoqarput:

- Upernavik 2.141 tonsit
- Uummannaq 1.379 tonsit
- Qeqertarsuup Tunua 610 tonsit

3-mut)

Aalisartut aningaasaqarnerinut paasissutissanut tunngassutillit naalakkersui-soqarfimmit pissarsiariniarsinnaaneri killeqarmata aalisakkat pisarineqanngit-soortut sunniutissaat eqqoqqissaartumik nalilersorneqarsinnaanngillat. Paasissutissat tamakku Naalakkersuisoqarfimmi pigineqaraluarpataluunniit misissueqqissaarnissamut piffissaq sivisunerusoq atortariaqarpoq. Taamaattorli pineqartoq tamakkiisumik oqaaseqarfigineqarsinnaavoq.

01-12-2015-imi pisassat sinneruttut tamakkerlutik 9.464 tonsiupput. Taakkunanga aalisariutit (6 m-imit anginerit) pisassaat 5.334 tonsiupput,

taakkulu pisassiissutininik nuussisarnermik aqqissuussineq aqqutigalugu ukiu-
mut pisassiiffiusumut tullermut nuunneqarsinnaapput 1. julilu tikillugu aali-
sarneqarsinnaallutik. Pisassiissutininik nuussisarnermik aqqissuussinermik
atuiniaraanni piumasaqaataavoq ukiumi pisassiiffiusup naannginnerani
qinnuteqaateqartoqareersimanissaa Taamaattumik pisassiissutit taakku
inuiaqatigiit aningaasaqarniarnerannut sunniuteqarsinnaanissaat
naatsorsuutigineqanngilaq.

Umiatsiaaqqat (6 meterimit mikinerusut) 01-12-2015-imi pisassaat sinnerut-
tut katillugit 4.130 tonsiupput, pisassallu taakku 70 - 85 mio kr-inik naleqar-
put, tunisinermi akit atuutsinneqartut annertussusaat apequtaalluni.

Pineqartut nalillit aalisarneqanngippata attuumassuteqartunut siuliani taane-
qartunut aningaasaqarnikkut ima sunniuteqassaaq:

Siunissaq qaninnerusoq:

- Inuit akileraarutissaralui Landskarsip annaassavai, taamaasillunilu
akileraarutitigut isertitakinnerussalluni.
- Aalisakkat aalisarneqanngippata tamanna Qaasuitsup kommuniani
suliffissat ikinnerunerannik kinguneqassaaq, tassani aalisartut tunit-
sivinni tunisassiorfinnilu sulisartut eqqarsaatigalugit. Suliffissat ikin-
nerulernerisigut akileraarutitigut isertitassat ikinnerussapput, tamanna-
lu kommunip akileraarutitigut isertitakinneruneranik kinguneqassaaq.
Suliffissat ikilinerisigut isumaginninnikkut aningaasartuutaasartut qaf-
fariarnerinik kinguneqarsinnaavortaaq.
- Umiatsiaararsortunut pisassiissutit tamakkerlugit aalisarneqanngippa-
ta agguaqatigiissitsilluni isertitaasartut pisassat tamakkerlugit aalisar-
neqarsinnaanerialugit sanilliullugit appasinnerussapput.
- Kommunit Namminersorlutik Oqartussallu ukiup siuliani pisaasimasut
aallaavigalugit akileraarutitigut isertitassatik missingersortarpaat.
Ukioq manna taamaasilluni 25.000 tonsit pisarineqarnissaat
missingersuutigineqarsimavoq massakkumullu 22.000 tonsit
pisarineqarsimallutik.

Siunissaq ungasinnerusoq:

- Siunissaq ungasinnerusoq isigalugu inuiaqatigiit aningaasaqarneran-
nut tassalu nunatta karsianut, kommuninut aalisartunullu sunniutis-
saa pitsaasuujumaarpoq. Tamatumunnga biologit inassutigisaanit
amerlanerusunik pisassiisoqarsimanera patsisaavoq. Pisassiissutit
tamakkerlugit aalisarneqannginnerisigut biologit inassu-tigisimasaat
qanillatorneqassapput, taamaasillunilu pisuussutit taak-ku
aningaasarsiorneq eqqarsaatigalugu pitsaanerpaamik atorluarne-
qarsinnaanerat qanillatorneqarluni.

4)-mut

Pisassiissutit aalisarneqarneri Naalakkersuisunit ingerlaavartumik malinnaaf-
figineqartarput. Pisassiissutilli tamakkerlugit aalisarneqartannginneri Naalak-

kersuisunit isumakulunnartoqartinneqanngikkallarpoq. Tamatumunnga ila-
tigut patsisaavoq aqutsiveqarfiit Upernavik, Uummannaq aamma Disko eq-
qarsaatigalugit aqutsiveqarfinni taakkunani qaleralinniartoqarsinnaalerna
pisassiissutinit ilanngaatigineqartussaannngitsunik. Tamatuma saniatigut pi-
sassiissutigineqartut ukioq manna ima amerlatigipput qaammatikkaartumik
pisassiissutit nungunnerisa kingunerisaanik aalisarnerit unitsinneqartariaqar-
tarsimanatik.

Inussiarnersumik inuulluaqqusillunga

Karl-Kristian Kruse